

萬物歸焉而不知主可名於大矣

此申言功成而不居冬藏之時萬物反本復命會歸於一所謂利貞固靈根利貞誠之復而物亦不知其孰生之此萬殊之合爲一本迺道之總而至大者其可名之於大矣乎蓋不可也若其可名則非不居功不知主之道矣或疑不知主之下脫常無名三字可名於小矣可名於大矣二句蓋設爲疑問之辭而不質言也句末雖無乎字而有乎字之意如前章能無爲乎能嬰兒乎能無疵乎能無爲乎能爲雌乎能無知乎一本無六乎字而解者必以有乎字之意釋之此其例也又如大雅詩曰有周豈不顯乎帝命豈不時乎而詩文但曰

道藏輯要

道德真經註

卷

心集十

有周不顯帝命不時亦其類也

是以聖人能成其大也以其不自大故能成其大

此章言天地之道結語迺言聖人蓋聖人與天地一也歲功成而萬物歸道之至大也而天地不居其功萬物不知所主是天地之道雖大而不自以爲大聖人亦若此矣是以能成其大也亦以其道大而不自以爲大故能成其大焉爾

右第二十九章

執大象天下往往而不害安平泰

執謂體之而不違大象喻道也下篇云大象無形道隱無名往歸往也不害謂利言體道之聖人爲天下之人所歸往民

既歸往而聖人以不利利之益利之以利則有利亦有害利  
之以不利則常利而不害則民得以常安常平常泰也政和  
註曰安則無危平則無諛泰者通治

樂與餌過客止道之出口淡乎其無味視之不足見聽之不足  
聞用之不可既

既盡也言外物之可利者皆不能久惟道之利人以不利爲  
利故能久也樂者歌吹舞蹈之聲容餌者飲食之味饗燕之  
禮設樂設餌以悅樂賓客然客既過去則其聲容與味亦止  
而無復有可爲暫焉之悅樂而不能以終日也道則非如餌  
之可飲食非如樂之有聲容可視聽也然用之則能常安常

道藏輯要

道德真經註

卑

心集十  
X〇一

平常泰而無可盡之時非如樂餌暫焉悅樂而已故曰用之  
不可既

右第三十章

將欲歛之必固張之將欲弱之必固強之將欲廢之必固興之  
將欲奪之必固與之是謂微明

歛闔也張開也老子謂反者道之動又謂玄德深矣遠矣與  
物反矣故其所爲大槩欲與人之所見相反而使人不可測  
知故借此八者相反之四事設譬而歸宿在下文柔勝剛弱  
勝強六字亦猶前章言善救人善救物而章首先借善行善  
言善計善閉善結五者爲譬也孫吳申韓之徒用其權術陷